



MAAND-KRANT

Vreugde wen!



Boma

Vleismark Meat Market

Vars nuus pas bekendgemaak!

Beeld-lesers wys Boma Vleismark aan as die beste Vleismark, vir die derde agtereenvolgende jaar!

Leserskeuse 2022 PLATINUM



**Best of
Pretoria**
READERS' CHOICE AWARDS 2021

Boma Vleismark
Garsfontein/Rubensteinlaan
Moreletapark, Pretoria
012 998 8711

Boma Vleismark Olympus
Olympus Rylaan
012 991 3022
www.bomameat.co.za



JEUG AKSIE
10 Junie 2022

Plek: Wapadrant Kerk
Tyd: 18h00 - 21h00

**Alle Gr 1 - Gr 12 kinders is welkom!
Bring ñ maat saam!**




- *Worsbroodjies
- *Lekker saamsing
- *Speletjies
- *Groei in geloof

AGRI X &
KLEINSKUUR
BOERDERY

— Invite you to take part
in their 2nd Special Charity
Golf Day!

21 JUNE

@ Waterkloof Golf Club

FUNDS IN AID OF THE

**Installation of an aquaponic
system at President Kruger
Children's Home**

Get in touch!

Sabine:
067 1120 200
mailforsabs@gmail.com

Participation/stands:
063 076 9135
mduplessis@agrixgroup.com



**REGISTER
NOW**

R3900*

FOUR-BALL TEAM

**SPONSORSHIP
OPPORTUNITIES:**

Putting Green	R2500
Hole with Personality	R2000
Hole without Personality	R1500
Hole with Personality + Four-Ball	R5900

*Price includes: Green Fees, Golf Cart, Prize-Giving, Dinner, Entertainment and Auction.

Donate to support the cause

Attestate & Bewyse van Lidmaatskap

Ontvang van:

NG Tygerpoort: Ignatius en Maria Aletta Cronjé (Jansen van Vuuren) en dooplidmate Ingrid, Heinrich Ignatius en Stefan Waldemar

NG Valleisig: Johannes Christiaan en Elizabeth Yssel (Fraser)

GK Secunda: Johanna Wilhelmina Venter (Robbertse)

GK Oos-Moot: Antoinette Heystek (de Lange)

NG Elarduspark: Georgina Barnard (Kirsten)

GK Centurion: Johannes Theodorus en Jean-Mari Westerveld (Henning) en dooplidmaat Johannes Theodorus

GK Brooklyn: Rudolf en Madelein Mans (Loots)

GK Rietvallei: Wilhelmus Petrus en Magdaleen Grobler (Basson) en dooplidmate Righardt Petrus Jacobus en Wilhelmus Johan

NG Universiteitsoord: Elbé Hugo

M-Connect Moreletapark: Elicus en Madelaine Marais (Myburgh) en dooplidmate Milan

Afgestuur na:

Johannes Gideon en Loureen Charlotte van Loggerenberg (Wolfaardt)

Peter-Michael en Helena Elizabeth Temple (de Kock) en dooplidmaat George Lucas

Midstream Familie Kerk: Willem Sternberg en Mariëtte Breedt (Greyling) en dooplidmaat Hendrik Willem

Wes-Kaap: Anri van der Walt

GK Worcester: Hendrik Frederik en Wilhelmina Hadrina Riekert (Niemann)

GK Magalieskruin: Anja Cronje (Croucamp)

NG Pretoria-Oos: Jacob Petrus en Donette Kruger (Werkman) en dooplidmate Madeleine en Marianné

GK Messina: George Frederick Nagel

Die Teologiese Studentevereniging (TSV)
wil graag 'n behoeftebepaling doen van die
volgende boek:

**Hoofpunte van die Gereformeerde
Geloofsleer**
Dr. B. Duvenage

Die boek is baie nuttig vir katkisasieleerlinge
wat in die kerk is en vir lidmate wat verder
wil leer, groei en herinner word aan die
gereformeerde leer.

Gaan na :

<https://forms.gle/cy4UEnJGjYWQDCEk6> -
vul asseblief die vorm in indien u belangstel
om hierdie boek weer te laat druk.

Of stuur 'n boodskap na 066 553 2740 in
die volgende wyse, *Ja vir Gereformeerde
geloofsleer*. Met naam en van bygevoeg.





Jeanne Du Plessis

Financial Planner
Financial Wellness Practice Menlyn

T: (012) 023 0014

90 Kingbolt Crescent Wapadrand
Security Village, Pretoria, 0050

jeanne.duplessis@momentum.co.za
083 449 5612



**Vir die hart
wat vreugde vind
in klein dingetjies,
is elke dag 'n
wonderlike geskenk**



Wapadrand-lidmate se
verjaarsdae is op die
webblad beskikbaar by
[http://www.wapadrand.co.za/
neem-kennis.html](http://www.wapadrand.co.za/neem-kennis.html)



**Enige ou klere of werkende
goedere wat rondstaan**


SKENK ASB!

Zanelda: 082 364 2196
zanelda@sunriseroad.org.za



Wapadrant Finansiële sake

Tot en met einde April 2022



Na die eerste 4 maande in 2022:

Die gemeente se finansies bly kop bo water hou en daarvoor bly ons dankbaar teenoor ons Hemelse Vader.

Vir April was daar 'n netto Surplus van R81 629 teenoor 'n begrote Tekort van R75 691.

Vir die jaar tot hede is die netto Surplus R362 623 teenoor 'n begrote Tekort van R256 341.

Hierdie **surplus** na vier maande kan soos volg verder onderling verdeel word tussen die 4 groot fondse waaruit al die uitgawes vir spesifieke doeleindes gedra word en lyk nou soos volg:

Kerkkas = **Surplus van R 235 744**

Barmhartigheidsbediening = **Surplus van R 219 867**

Uitreikbediening = **Surplus van R 7 114**

Jeugbediening = **Tekort van R 100 102**

Die **Jeugbedieningfonds se tekort** word voorlopig nog gesubsidieer uit die kerkkas se surplus. **Bydraes kan apart vir die Jeugbediening gemaak word of jy kan met die kerkkantoor reël dat jou bydraes so verdeel word dat daaruit ook 'n deel aan die Jeugbediening afgedra word, met 'n bedrag van jou eie keuse.**

Dankoffer-inligting

Maand	Aantal potensiële *bydraepunte	Aantal punte met geen beloofde bydrae	Aantal punte wat beloof het maar geen bydrae maak nie	Aantal punte wat agterstallig is	Getroue bydraers
Jan 2022	*(1 082) **(1 621)	420 38,82%	162 14.97%	16 1.48%	484 44.73%
Feb 2022	*(1 089) **(1 625)	430 39,49%	129 11,85%	56 5,14%	474 43,52%
Maart 2022	*(1 085) **(1 621)	420 38,71%	115 10,60%	69 6.36%	481 44,33%
April 2022	*(1 083) **(1 612)	417 38,50%	107 9,88%	87 8,03%	472 43,59%

* Bydraepunt : Getroude man en vrou = 1 bydraepunt
Belydende lidmaat in dieselfde gesin
= bydraepunt
Enkellopende belydende lidmaat =
bydraepunt

** Belydende lidmate

Hou asseblief in gedagte, vir hierdie gemeente om effektief te moet kan funksioneer, is daar heelwat finansiële verpligtinge wat nagekom moet word, wat meebring dat daar finansiële bydraes ontvang moet word, vanaf die lidmate, waaruit die bedryfsuitgawes dan gedek kan word. Daarom maak ons staat op elke lidmaat se dankoffer bydraes.

Indien lidmate nie oorbetalings aan die gemeente doen nie, beteken dit die ander lidmate in die gemeente, wat wel bydraes maak, "borg" die nie-bydraende lidmate, vir die genoemde uitgawes wat aangegaan moet word.

Moet asseblief nie die genoemde finansiële bydraes, (wat in kerkterme ook 'n Dankoffer genoem word), in die liefdegawesakkie plaas nie, want die liefdegawes gaan nie vir dieselfde doel nie. (Maak gebruik van die dankoffervorm).

Maniere van afdra van Dankoffer

- **Direkte inbetaling** op kerk se bankrekening/per internetbank of per aftrekorder by jou eie bank.
Bankbesonderhede: Gereformeerde Kerk Wapadrant, ABSA rek nr 349 0151 957, takkode 632 005. BAIE BELANGRIK: Naam, van en doel as verwysing. (Behalwe in die geval van 'n anonieme inbetaling.)
- Indien jy anonieme bydraes wil maak, plaas kontant/tjek in 'n koevert en sit in liefdegawesakkie of doen 'n elektroniese oorbetaling in kerk se bankrekening.
- **Debietorder:** Reël met kerkkantoor by kantoor@gkwapadrant.co.za of volg hierdie skakel vir vorm: <http://www.wapadrant.co.za/finansielesake.html>
- **Nog 'n manier om jou dankoffer/liefdegawe oor te betaal:**
Snapscan – Vir gerieflike en vinnige betaling. Gaan na <http://www.wapadrant.co.za/finansielesake.html> vir instruksies



Snap here to pay

SnapScan



**HERNU VOERTUIG-
LISENSIES
BINNE 48 UUR**



5% AFSLAG
daaglik vir
pensioenarisse*

*T&Vs geld



KWIKSPAR & TOPS WAPADRAND

H/V Wapadrand & Lynnwood [f](#) @kwiksparwapadrand

LYNNWOOD LANE

H/V Equestria & The Highway [f](#) @TopsLynnwoodLane



**SPLINTERNUWE
UITLEG
VIR U GERIEF**



“

Hul slaghuis word sterk
aanbeveel! Altyd skoon
met gehalte vleis en waarde
vir geld gewaarborg.

FRANCES SLABBERT

”



GRATIS AFLEWERINGS IN PTA-OOS*

*T&Vs geld




Bestel sommer direk by ons!
061 707 0091



Big Buds

is 'n naam om te onthou indien jy vars blomme of proteas wil kry. Hartlike dank vir die pragtige blomme wat die gemeente se verjaarsdag sò mooi ingekleur het.

| Albert 079 482 8650 |



Faith....

You only need
this much!

Matthew 17:20

HIS Amazing Love

Almal se mandjie

HOU DIE DATUM OOP
Damesoggend
Saterdag
20 Augustus 2022
Met
Dr Gustav Gous
Tema: Glanspalet
Ons vier
20 jaar!!
Gaskunstenaars
Danie Niehaus &
Germandt Geldenhuys
Susan
082 745 4117
Elize
082 774 4544
Geref Kerk
Kameeldrift

EL-PIDA DIENSSENTRUM



Te koop - *GEURIGE TUISGEMAAKTE SLAAIE & BLATJANG*
Kom kyk by El-pida se kantoor, Valleisig Gemeente of kontak Judy by 083 325 2102

B² BEST BUILD

Your obvious choice in construction

- NEW HOUSES
- ALTERATIONS
- MAINTENANCE
- BATHROOMS
- WATERPROOFING
- PAINTING
- TILING
- CEILINGS
- ADDITIONS

ADRIAAN SMIT : 083 457 4301
adriaansmit47@gmail.com



HANDYMAN
Jacques: 078 594 8759
Email: jbnamib@gmail.com
We can help you replace & repair all things in & around the house

* Plumbing * Car Ports
* Electrical * Roof Sealing
* Tiling * Paving
* Woodwork * Painting
* Security Gates * Solar Power Systems
078 594 8759
We can help you replace & repair all things in and around the house

SKOLIES: 10-17 JULIE

MOET 2022 INSKRYWINGS



Is nou oop!
TOT 30 JUNIE

Kamp Kostes:

SKOLIES: R850
STUDENTE: R950

STUDENTE: 8-17 JULIE

Wat sê jy met jou woorde?

Ek lees vandag iets raak van Susan Coetzer wat ek nie anders kan as om te deel nie, omdat ons in ons huwelike en verhoudings mekaar kan afbreek of opbou met ons woorde. Dít wat sy skryf is lewensveranderend as jy dit kan bemeester!!!!

Sy skryf: "Ek het besluit om 'n bietjie te vas. NEE nie van kos nie - veels te honger en dan nie genoeg energie vir draf of optredes nie.

Ek vas van WOORDE. Ek hou hulle in my gedagtes en bekyk hulle - het hulle NUT of is dit sommer net geluide - soos die geblaf van honde en karre wat jaag.

Ons praat so maklik en so baie..... NONSENS. Tot 'n mens besef HOEVEEL krag daar in die gesproke woorde is. Die Hele Skepping is met WOORDE geskep.

God het gesê: Laat daar LIG wees, met WOORDE. En toe was daar was LIG.

Wat sê jy met JOU WOORDE?

Oor die land: Die land is in sy maai. Die land is korrup. Bankrot. 'n Nare plek om in te woon met nare mense.

Oor mense: Jou vark? Jy is treurig. Jou dom onnosele &*&%#. Jy maak my siek!

En oor jouself: Ek kan nie. Ek is moeg. Ek is siek. Ek is sat. Ek is af. Ek is depressief. Ek glo nie meer nie. Ek is vet. Ek is lelik. Ek is sonder talent. Ek is bang.... Ek is kragteloos. Hopeloos.

OPPAS wat jy sê. As die meeste woorde wat by jou mond uitkom, negatief en onopbouend is, het dit 'n negatiewe effek. Op jou en almal wat jou aanhoor.

Is dit tyd dat jy VAS saam met my.

Geen mens kan die tong self tem nie - jy moet saam met die Here klas loop om te leer SNOEI aan die onkruide in jou woordeskat - om meer en meer woorde van LEWE te spreek in plaas van dood. Oor die land, oor die mense wat jou irriteer, oor jouself as jy papgeslaan voel.

LIG jouself en ander met jou woorde.

Woorde is nie net lettertjies nie. Dis gelaai met KRAG. Krag om op te bou en krag om te vernietig.

Daarom is 'n goeie vas baie gesond. Vas so 'n bietjie van onnodige

woorde: Vra die Here om jou te wys waar jy woorde tot jouself en ander se leed inspan.

Skinder jy maklik? Is jy lief om slechte nuus aan te dra. Onmin tussen mense te saai? Kla jy gereeld - sommer as 'n gewoonte. Vloek jy of seën jy?

Kom ons vas so 'n bietjie vanaand - deurdink ons baie woorde in God se Stilte. Rol hulle in jou kieste rond. Proe hulle in jou gedagtes. VOEL die uitwerking van die woorde wat jy wil sê - spreek dit van LIG of van donker. Bekyk jou gedagtes. Dis die enjin wat jou woorde aanvuur. Die Woord sê duidelik, dit wat in jou gedagtes (jou hart) omgaan bepaal jou hele toekoms. En ander s'n... Sit vandag so 'n oomblik daai handrem op al die nonsens praat. Al die twak. Al die leuens. Die woede. Die geskindert. Die suur woorde. Die snydende woorde. Die wrede woorde. Die woorde wat jou (en ander) afbreek en beperk.

Kom ons krul die tonge terug soos biltong en sit 'n slot om die punt.

Druk die oer krokodilbrein TERUG in sy kas. DINK en besin voor ons praat.

Vra jouself: Is dit opbouend om die woorde te gebruik? Is dit goed? Is dit nodig? Want woorde is almal vuurhoutjies -- dit kan groot vure aansteek. 'n Vuur van lewe of 'n vuur van dood. En dis moeilik om daai vure dood te slaan. Veral die vuur wat skroei. Nie eers die brandweer se *hose pipe* is lank genoeg nie.

Nouja ek groet - ek moet gou my slot om my biltong gaan sit.

LIEFDE en min woorde stuur ek aan jou."

(Verkry via Facebook)


“Praat net wat goed en opbouend is volgens die eis van omstandighede, sodat dit julle hoorders ten goede kan kom”

EFESIËRS 4:29-32 AFR83

Woeker met jou talente



Maak dit
meer...



tot 16 Junie 2022

Toer na Israel

Israel het weggedoen met al die Covid-protokolle en vaksinepaspoorte om toerisme te bevorder.

Reis nou saam met ds. Maarten op 'n onvergeetlike reis deur die Bybel.

Ons vertrek 1 Julie 2022 vir twee weke.

Kontak Maarten by 0721431855

Toer na ISRAEL
saam met Maarten van Helden
1 – 13 Julie 2022
Bespreek nou!



Eilat
Dooie See
Masada

Nasaret
Cesarea
Galilea

Jerusalem
Betlehem
Jerigo



Vir nadere besonderhede kontak **Maarten van Helden**
072 143 1855 **maartenvanhelden1@gmail.com**

My beker loop oor...



Vreugdefees
28 Mei 2022



Vreugdefees. Dankbaarheidsfees. Barmhartigheidsfees. Dan ook nog: verjaarsdagfees! Wapadrant is nou 39 jaar oud en dit verdien om gevier te word. Vreugde het van vroeg Saterdagoggend tot na middagete Sondag weerlink. Vir die eerste keer in 'n lang tyd het ou bekendes saam gekuier, saam gestap en saam geëet. En het ons nie geëet nie! Van pap en kaiings, burgers, biltong, sosaties tot granate, roomys en lekkergoed. Wapadranters kan kuier!

Die hoogtepunt van Saterdag se fees, was beslis die potjiekosstalletjies wat die buite-kring van die fees gevorm het. Die beoordeelaars het die stalletjies besoek, meer gekuier en alles geproe. Dit het kopkrap gevverg om die wenner aan te kondig. Die derde plek is toegeken aan ons eie Marinda van Lochem en die tweede plek aan Salmon van Bakgat. Die pot wat met die louere weggestap het, is Wapadrant se Jimmy vd Merwe met 'n wenner-kombinasiepot van bees en skaap. Julle is die kampioene – hartlik geluk!

Ook by die veilingsfront het Wapadranters geskitter. Die bod vir 'n koedoe (geslag) is aan Annette Leijenaar en dié van 'n blesbok en 'n koedoe (om self te skiet) aan Kobus Lombard toegeslaan.

Nadat almal heerlik gesmul het aan die pot van keuse, is ingepak, opgeruim en weggestap. Stil – maar met 'n vreugdelied in die hart en 'n belofte: volgende jaar doen ons dit weer!

>>

My beker loop oor...



Hoenderbraai
29 Mei 2022



Het jy enige idee hoe 230 hoenders lyk? Dit is behoorlik 'n gesig om te sien en dit is presies wat Wapadranters ingewag het die oggend van 29 Mei. En die braai is iets aanskouliks! Met kole onder in die bak en die elektriese motor wat behendig die roosters draai was die hoenders net na 11:00 gereed vir die fees! Die hoenders is van die roosters afgestaan en in bakke – so groot soos 'n staaltafel – aangedra vir opskep. *The proof is in the pudding* – soos die Engelsman sê – en dit was inderdaad so! Die hoender was geurig en sappig tot by die been. Knapgedaan, Christo!

Maar dit was nie al nie. Sommer met die uitkomslag uit die erediens, geleei deur Johannes Aucamp, het heerlike kolwyntjies Wapadranters ingewag, netjies gepak in die vorm van 'n 39, heerlik vars en watertand lekker!

Met soveel wat gebeur het, kan ons nie anders as om 'dankie' te sê nie. Eerstens dankie aan ons Hemelse Vader wat Wapadrant vir soveel jare geseen en vasgehou het. Dankie aan Alwyn Röhrs en die reëlingskomitee, die personeel in die kerkkantoor en almal wat so hard gewerk het om die fees moontlik te maak. 'n Spesiale woord van dank aan Ilda van der Merwe wat agter die skerms Alwyn se regterhand was en dus betrokke was by baie van die koördinering en reëlings en die implementering van alles wat vooraf reg gekry en gedoen moes word, aan Bertus Schoeman vir die terrein uitleg, Vorster Fourie vir drukwerk, Peet Vermeulen wat geopen het en mentor was vir Seni, Dirk du Plessis wat aankondiger was en Alwyn wat die veiling hanteer en stalletjies gewerf het.

Dankie ook aan Magda Prinsloo wat die beoordeelaars vergesel het na die stalletjies, asook die Tollenaar (alias ds. Gerrie van Wyk) wat hom uitstekend van sy taak gekwyt het. Dankie aan die spesifieke ouderlinge, diakens en ander lidmate wat kom help het met die hoenderbraai vroeg Sondagoggend. Aan Riana en Rianette 'n spesiale woord van dank vir die heerlike kolwyntjies wat ons Sondag kon geniet.

Mag jou beker ook oorloop van dankbaarheid! †

KUNGWINI

WELFARE ORGANISATION

making a difference in people's lives



WWW.KWO.ORG.ZA | INFO@KWO.ORG.ZA | 012 940 0221 | KUNGWINI WELFARE ORGANISATION, GRAHAM RD, ZWAVELPOOR



Dear Wapadrant Gereformeerde Kerk

On behalf of Kungwini Welfare Organisation we would like to thank you for your support towards our grateful organisation.

We thank you for the generous donation of vegetables that we received from you. With your kind assistance, we are able to continue providing services to our beneficiaries..

We would like to invite you to follow us on facebook:-

<https://www.facebook.com/kungwini/> & instagram :-

kungwini_org, to stay up to date with all of the happenings at Kungwini!

Once again thank you for making a difference in people's lives!!

Kungwini Greeting,

Maruné Maritz

Fundraising and Events Coordinator

Vreugde wen, want Jesus wen

Stephan Joubert - eKerk




Johannes 20:1-18 vertel vir ons van Jesus se eerste gesprek kort nadat Hy die dood gefnuik het. Dit gebeur vroeg daardie Sondag, wanneer Maria Magdalena by die graf opdaag. Sy hoor iemand agter haar. Dit is Jesus. Haar eie hartseer veroorsaak egter dat sy Hom nie herken nie. Sy verwarring Hom met die plaaslike tuinier. Fout, groot fout! "Waar is Jesus se liggaam?" vra sy vol droefheid. Toe spreek Jesus haar reguit op haar naam aan: "Maria!" Net dit. Dit ruk haar tot stilstand. Dit is presies die regte hemelse oogsalf. Maria Magdalena se oë gaan dadelik oop. Sy besef dit is haar Heer, wat hier by haar is. Die kruis is toe nie 'n doodloopstraat nie. Jesus het Sy woord gehou. Hy is sterker as die dood. Hy het die dood uit die pad geloop. Hy het opgestaan. Hy leef.

Maria Magdalena se herontmoeting met Jesus verander daar op die plek haar ganse lewe. Haar vreugde ken skielik geen perke nie. Haar Heer leef. Boonop wil Hy ook hê ander mense moet in haar vreugde deel. Hy wil nie dat Sy opstanding 'n geheim bly nie. Daarom moet Maria hierdie goeie nuus met Jesus se dissipels gaan deel. Hulle moet weet Hy leef sodat hulle saam kan feesvier.

Die feesnuus dat Jesus leef, is lewensveranderend. Dit moet orals uitgebasuin word. Almal moet weet die dood het nie die finale sê nie. Die kruis is die groot afbetaalplek. Die kruis is God se plek van versoening. Dit is Sy plek van vrede en nuwe lewe. By die kruis is sonde en dood 'n finale knou gegee. Jesus se opstanding bevestig dit. Hy het gewen. Ons is nie meer gevangenes nie. Ons lewe het nou nuwe betekenis. Saam met Maria Magdalena vier ons fees. Saam met haar is ons draers van die beste goeie nuus ooit. Saam met haar borrel die evangelie uit oor ons ganse lewe. Ons vertel graag dat Jesus leef! Ons basuin dit van die dakke af dat die Heer opgestaan het. Vreugde wen in ons lewe, want Jesus wen! +

Ons sê dankie!



Frikkie Venter – 11 jaar in diens as personeellid by Wapadrant Gemeente

Frikkie raak betrokke by ons gemeente op die ouderdom van 61 jaar, as 'n personeellid met die verantwoordelikheid om die Diakonie destyds by te staan met die daarstelling en bestuur van die "Pakhuis", waaruit die hulpbehoewendes gehelp kon word met voedselvoorraad. Gevolglik ontwikkel dit toe in 'n halfdagpos getiteld Diakonie-koördineerder. Hierdie pos vul Frikkie met onderskeiding tot nou. Intussen het Frikkie bedank omdat hy na Oudtshoorn gaan verhuis.

Hoe sê ons dankie aan iemand wat baie meer gedoen het as wat van hom verwag is? Vanuit sy geaardheid en persoonlikheid wat onder andere insluit dat hy altyd vriendelik en hulpvaardig is, groot deernis vir sy medemens in nood gehad het en eie inisiatief kon gebruik, raak Frikkie betrokke by baie meer aspekte van die gemeente se funksionering en administrasie. Hy was ook goud werd vir die kerkkantoor as 'n bode, het gereeld die geld gaan bank, ander aankope gedoen en gehelp met kleinerige instandhouding. Dan was hy altyd bereid om enige tyd vleis te braai, maak nie saak wat die geleentheid was nie. (Frikkie is baie lief vir braai en ons ander personeel gaan dit baie mis.) Hy het selfs die gras gesny oor Desembermaande wanneer daar minder van die ander personeel beskikbaar was.

Hy het ook betrokke geraak as 'n vrywilliger by die Sunrise Naskool-bediening deur elke dag die kinders by die skool te gaan haal en by die kerk te kom aflaai, met die kerk se kombi. So moes hy soms meer as een keer op 'n dag ry, of selfs van die kinders aanry na ander geleenthede waarby hulle betrokke was. So stil-stil raak hy betrokke by elke kind wat saam met hom ry en begin om ook 'n groot rol te speel in die opgroei en ontwikkeling van hierdie kinders.

Hy doen dit altyd met 'n glimlag op sy gesig: 'n regte raakvatter en staatmaker.

Ons wens hom alle voorspoed toe met die volgende fase van sy lewe en bid hom die seën van die Here toe.

Vreugdefees wenners



Met die veiling van die **koedoe** (reeds geslag) is die bod toegestaan aan Annette Leijenaar ten bedrae van R3500



Die tweede en derde veiling-items (**blesbok en koedoe** wat self geskiet moet word) is aan Kobus Lombaard toegestaan ten bedrae van R3000 en R9000 onderskeidelik.



Beste Gees:

Die drie wyse manne
Prys: R1 000 kontant



Mooiste uitleg:

Johan Nienaber en kleingroep
Prys: R1 500 kontant



Beste stalletjie:

Bakgat
Prys: R2 000 kontant

Potjiekos kompetisie - Derde plek:

Marinda van Lochem
Prys: R2 000 kontant



Potjiekos kompetisie - Tweede plek:

Salmon van Bakgat
Prys: R4 000 kontant



Potjiekos kompetisie - Wenner:

Jimmy vd Merwe
Naweek vir 6 in die Waterberge ter
waarde van R10 000



Méér Vreugde

Christus het aan ons liefde bewys en aan ons die opdrag gegee om ook aan mekaar liefde te bewys. Tydens Wapad-rant se vreugdefees, het 'n besondere paartjie ook hul storie van vreugde vertel deur in liefde uit te reik na ander.

Pieter en Bernadette de Wet het uit die staanspoor van die bespreking van hul stalletjie besluit om 'n persentasie van hul wins af te staan om wol aan te koop vir 'n mussie-projek aan mense met kanker.

Dankie, julle twee! Julle is 'n inspirasie vir ons almal!






Dedicated to all those who've lost the fight & to those who won't quit the fight.

**P&B PROJECTS
ONDERSTEUN ALMAL
WAT DEUR KANKER
GERAAK WORD.**

ONS DRA VANDAG SPESIAAL OP AAN ONS VRIENDIN CHRISTINE JANSEN VAN VUUREN EN PA CHRIS DE WET.

R10 VAN ELKE PRODUK VERKOPE GAAN GEBRUIK WORD OM WOL TE KOOP VIR DIE BREI EN HEKEL VAN MUSSIES VIR KANKER PASIENTE.

ONDERSTEUN ONS OM HULLE DAG BETER TE MAAK!



Cancer is so limited...

It cannot cripple love.
It cannot shatter hope.
It cannot corrode faith.
It cannot eat away peace.
It cannot destroy confidence.
It cannot kill friendship.
It cannot shut out memories.
It cannot silence courage.
It cannot reduce eternal life.
It cannot quench the Spirit.

**P&B
PROJECTS**

„ Na aanleiding van ons belofte om R10 van elke produk verkoop wol te koop om beanies te brei het ons besluit om dadelik beanies te koop omdat ons n groot wolskenking ontvang het. Ons kon 13 beanies koop om dadelik te skenk. Ons sal laat weet hoeveel beanies is uit die wolskenking gebrei/hekel. Groete